

	JU ZAVOD ZA MEDICINU RADA KANTONA SARAJEVO	 
SPECIJALISTIČKO-KONSULTATIVNA DJELATNOST		Jedinstveni broj broja politike: 01-1553-1/25 Izdanje: 02/01
POLITIKE I PROCEDURE Opći dio Standard 43. Kriteriji: S 43.1		Važi do: Oktobar 2028. godine Strana: 1/10
Politika koja daje kratak pregled usluga koje se pružaju		

1. OPŠTA IZJAVA

Zdravlje, sigurnost, radna sposobnost i dobrobit svakog radnika ključna su pitanja za ukupni društveno ekonomski razvoj svake zemlje. Zdravlje na radu i zdravo radno okruženje predstavljaju najvrijedniju imovinu pojedinaca, zajednice i države. Specijalistički tim u službi medicine rada brine za zaštitu zdravlja radnika na radu, za promociju zdravlja, za dobrobit i radnu sposobnost, kao i za prevenciju bolesti i povreda.

2. PODRUČJE PRIMJENE

Ova politika se sprovodi i primjenjuje u JU Zavodu za medicinu rada Kantona Sarajevo.

3. DISTRIBUCIJA I NADZOR

- 3.1. Direktor Zavoda, šefovi organizacionih jedinica, glavna sestra Zavoda, odgovorna sestra Zavoda i koordinator za kvalitet, obavezni su obezbijediti da se sa ovom Politikom upoznaju svi radnici Zavoda.
- 3.2. Ova Politika mora biti postavljena na mjestu dostupnom svim radnicima u Zavodu.
- 3.3. Direktor Zavoda, šefovi organizacionih jedinica, glavna i odgovorna sestra Zavoda i koordinator za kvalitet, vrše provjeru pravilnosti primjene ove Politike.

4. POLITIKA

Na nivou JU Zavod za medicinu rada Kantona Sarajevo postoje usluge i djelatnosti koje se pružaju pacijentima, u tom cilju centar za preventivne preglede i profesionalna oboljenja obavlja:

5. LABORATORIJA

Opis usluga koje se pružaju u laboratoriji za biohemijsko – hematološka ispitivanja JU Zavoda za medicinu rada KS:

PRETRAGE

Hematološki status

1. Sedimentacija eritrocita
2. Kompletna krvna slika

Koagulacija

3. Vrijeme krvarenja
4. Vrijeme koagulacije
5. INR
6. APTT
7. Fibrinogen

Biohemijski status

8. OGTT (0,60,120)
9. Profil glukoze (0,120)
10. Glukoza
11. Kreatinin
12. Urea
13. Mokraćna kiselina
14. Ukupni bilirubin
15. Željezo
16. Holesterol
17. HDL
18. LDL
19. Trigliceridi
20. AST
21. ALT
22. GGT
23. LDH
24. ALP
25. CK
26. HbA1C
27. Troponin T
28. D-dimer
29. Na
30. K
31. Cl
32. Ca
33. Vitamin D
34. CRP

Hormoni štitne žlijezde

35. TSH
36. TT3
37. TT4
38. FT3
39. FT4
- Tumorski markeri
40. TPSA
41. FPSA
42. Ratio

Hepatitis markeri

43. HBs Ag
44. Anti HBs Ag
45. Anti HCV

Imunohemija

46. HIV
47. Vitamin D

Pregled urina

49. Fizikalni i hemijski pregled urina
50. Mikroskopski pregled sedimenta urina

Opis usluga koje se pružaju u Toksikološkoj laboratoriji sa higijenom radne sredine JU Zavoda za medicinu rada KS:

1. Test na droge- traka – urin
2. Test na droge-GCMS urin
3. Test na droge-GCMS krv
4. Test na droge-GCMS kosa
5. Alkohol u krvi-GCFID
6. CO- COHb
7. Teški metali AAS-(Pb)

Odsjek za higijenu radne sredine oformljen 2008. godine, uz najsavremeniju opremu nudi usluge mjerenja i ocjenjivanja.

Fizičkih štetnosti:

- buka
- vibracije
- osvjetljenost

Hemijskih štetnosti:

- koncentracije gasova CO i CO₂
- koncentracije prašine

Parametara mikroklimе:

- temperatura zraka
- temperatura zračenja
- brzina strujanja zraka

Biološke štetnosti

- izolacija i identifikacija mikroorganizama radnih površina (brisevi)
- izolacija i identifikacija mikroorganizama iz uzoraka zraka.

6. KABINET RADIOLOŠKE I ULTRAZVUČNE DIJAGNOSTIKE

Radiološka služba JU Zavoda za medicinu rada Kanton Sarajevo, organizovana je u segmentu klasične rendgen dijagnostike, kao i u segmentu ultrazvučne dijagnostike. Pretrage za klasičnu rendgensku dijagnostiku se obavljaju na digitalnom univerzalnom RTG aparatu.

Pružamo sljedeće usluge standardnih Rtg pretraga:

- Rtg dijagnostika muskulatornog sistema.
- Rtg dijagnostika torakalnih organa.
- Rtg dijagnostika urotrakta.

Ultrazvučna dijagnostika se obavlja na aparatu Canon Aplio a, a obavljaju se sljedeći pregledi:

- a. Ultrazvuk štitnjače,
- b. Ultrazvuk vrata,
- c. Ultrazvuk abdomena (jetra, žučna kesa, žučni vodovi, pankreas, slezena , bubrezi, nadbubrezi, retroperitoneum, aorta),
- d. Ultrazvuk male zdjelice (mokraćni mjehur, prostata, uterus, adnexe),
- e. Ultrazvuk perifernih limfonoda,
- f. Ultrazvuk testisa,
- g. Color doppler krvnih sudova vrata.

7. SLUŽBA FIZIKALNE MEDICINE I REHABILITACIJE

Usluge koje se pružaju u sklopu službe fizikalne medicine JU Zavoda za medicinu rada KS:

- Termo terapija - hot pack
- Krio terapija - krio oblozi i krio masaža
- Foto terapija - bioptron i IR lampa
- Elektroterapija - TENS, IFS, DDS, galvanska struja, traber, elektrostimulacija, ruska stimulacija, faradska stimulacija. Sve ove struje se primjenjuju putem pločastih ili vakum elektroda
- Sonoterapija – kontinuirani ultrazvuk, implusni ultrazvuk, površinski ultrazvuk, dubinski ultrazvuk, subakvalni ultrazvuk
- Magneto terapija - primjena putem velikog, malog i pločastog solenoida
- Denzitometrija – ultrazvučno mjerenje gustine kostiju iz petne kosti
- DTK - aparat za trakciju i dekompresiju lumbalnog i cervikalnog djela kičme.
- Kineziterapija - koja se provodi individualno provođenjem pasivnih , aktivnih , aktivnopotpomognutih , aktivnih uz opterećenje ,statičkih, dinamičkih vježbi
- Dry needling –vrsta akupunkturne tehnike, upotreba akupunkturnih igala u bolnim trigger tačkama na raznim mišićima i mišićnim vezama

8. MEDICINA RADA

Preventivne zdravstvene preglede

- Prethodni zdravstveni pregledi (Opšti zdravstveni pregled prije zaposlenja; ljekarsko za posao).
- Sistematski zdravstveni pregledi.
- Periodični zdravstveni pregledi (Zdravstveni pregledi zaposlenika koji rade na radnim mjestima sa povećanim rizikom).
- Kontrolni i vandredni zdravstveni pregledi.
- Zdravstveni pregledi kod povratka na posao nakon dužeg odsustvovanja sa posla zbog bolesti, povrede, profesionalnog oboljenja ili drugog razloga odsustvovanja sa posla (Vanredni ljekarski pregledi).
- Kao licencirana ustanova JU ZZMRKS obavlja zdravstvene preglede lica koja rade u zoni jonizirajućeg zračenja.
- Ljekarski pregledi za pripadnike OS BiH (Prijem u profesionalnu vojnu službu-kadeti, PVL i civilna lica u službi u OS)*.
- Procjena rizika i sigurnosti na radnom mjestu.

Peglede za ljekarska uvjerenja

- Ljekarsko uvjerenje za posao.
- Ljekarsko uvjerenje za boravak u BiH.
- Ljekarsko uvjerenje za boravak i rad u inostranstvu.
- Ljekarsko uvjerenje za studiranje u zemlji i inostranstvu.
- Ljekarsko uvjerenje za ostvarivanje prava iz oblasti PIO/MIO- dobrovoljno penziono i zdravstveno osiguranje.
- Ljekarsko uvjerenje za vozače A,B,C,D,E kategorije.
- Ljekarsko uvjerenje za sticanje certifikata za poslove zaštite ljudi i imovine-ovlaštena ustanova.
- Ljekarsko uvjerenje za lica koja obavljaju poslove zaštite ljudi i imovine.
- Ljekarsko uvjerenje za potrebe suda.
- Ljekarsko uvjerenje za usvajanje djece i starateljstvo nad drugim licima, roditelj –staratelj.
- Ljekarsko uvjerenje za boravak i liječenje u terapeutskoj zajednici-Kampus.
- Ljekarsko uvjerenje za nabavku, nošenje i držanje oružja.

-Verifikacija i priznavanje profesionalnih oboljenja i oboljenja vezanih za rad.

-Konsultativni pregledi u postupku ocjene za prvostepeni organ vještačenja-POV, (PIO/MIO).

-Medicinska vještačenja/stručna mišljenja u svhu dodjele jednokratne novčane pomoći oboljelim ili članovima njihovih porodica (Zahtjev poslodavca sa kojima postoje potpisani ugovori za ovu uslugu).

9. PROCJENU RIZIKA RADNIH MJESTA

Od posebnog značaja za JU Zavod za medicinu rada KS je i procjena rizika radnih mjesta.

U skladu sa Zakonom o zaštiti na radu (sl.novine FBiH broj 79/21) i Pravilima o procjeni rizika (Sl.novine FBiH broj 23/21) JU Zavod za medicinu rada Kantona Sarajevo ovlaštena zdravstvena organizacija koja ima dozvolu Federalnog ministarstva rada i socijalne politike za obavljanje poslova procjene rizika na radnom mjestu i mjestu rada u radnoj okolini.

Svaki poslodavac je u skladu sa Zakonom o zaštiti na radu u obavezi da vrši procjenu rizika za svako radno mjesto.

10. INTERNISTIČKI KABINET

Internističkim pregledom analiziraju se stanja i bolesti:

- bolesti kardiovaskularnog sistema,
- bolesti pluća, hronični bronhitis, astma, akutni bronhitis, upale pluća, upale sinusa,
- šećerna bolest (dijabetes),
- bolesti žlijezda s unutrašnjim lučenjem (štitnjača, spolne žlijezde, hipofiza),
- bolesti bubrega i mokraćnih puteva,
- poremećaji cirkulacije u venama i arterijama,
- bolesti prostate,

- internista obavlja preoperativni internistički pregled (s donesenim nalazima) ili preoperativnu obradu za zahvat u općoj anesteziji,
- obavlja ljekarske preglede u svojstvu specijaliste-konsultanta, za potrebe svih vrsta preventivnih pregleda,
- vrši konsultativno-specijalističke preglede pacijenta kod kojih postoji sumnja na profesionalno oboljenje, ili je takvo već utvrđeno,
- učestvuje u liječenju oboljelih i predlaže potrebnu terapiju,
- obavlja preglede po zahtjevu ordinirajućeg ljekara,
- vrši interpretaciju nalaza, dobijenih putem funkcionalne dijagnostike.

Kabinet za EKG i funkcionalnu dijagnostiku opremljen je sa sljedećom aparaturom, gdje se na indicaciju ljekara izvode pregledi:

- *fizikalni pregled interniste i interpretacija nalaza,*
- *EKG-a;*
- *24 satni Holter EKG,*
- *24 satni Holter krvnog pritiska,*
- *ergometrija;*
- *ergospirometrija,*
- *ehokardiografija,*
- *opservacija na pacijent monitoru,*
- *predoperativna priprema.*

11. KABINET ZA OTORINOLARINGOLOGIJU (ORL)

Pregledi u sklopu svih vrsta preventivnih, konsultativno-specijalističkih pregleda kod ispitanika kod kojih postoji sumnja na profesionalna oboljenja te liječenje oboljelih.

Prijem i obrada- sistematskih, ljekarskih i periodičnih i pojedinačnih pregleda

ORL pregled, otoskopiranje, očitavanje i izračunavanje stepena oštećenja sluha audiometrija, interpretacija nalaza vestibulograma. ORL pregledi pacijenata i ordiniranje terapije prema dijagnozi, te davanje mišljenja. Ispiranje cerumena, po potrebi pregled glasnica, očitavanje i određivanje stepena oštećenja sluha, po Fowler-u kod određivanja slušnih aparata. Pregled i obrada pacijenata sa vertiginoznim smetnjama (otoskopija, audiometrija, vestibulometrija, davanje mišljenja). Kompletan ORL pregledi sa audiometrijom i po potrebi vestibulometrijom u sklopu obrade pacijenata za POV.

Audiometrija

- Ispitivanje stanja sluha savremenim audiometrom, sa koštanom i zračnom provodljivošću, u izolacijskoj kabini (tiha komora).
- Procjena stanja i oštećenja sluha po Fowler-u, te određivanje aparata za pojačanje sluha (slušnog aparata).
- Praćenje stanja sluha kod ispitanika izloženih buci na radnom mjestu, te predlaganje mjera u svrhu očuvanja sluha.
- Prijem i obrada pojedinačnih pacijenata (uputnice) sa vrtoglavicom i problema sa sluhom.

Vestibulometrija

- Testiranje - Hod pacijenta po Rombergu i Babinski Weill-u uz procjenu ravnoteže. Pregled spontanog i pozicionog nistagmusa kroz Frenzelove naočale.
- Ispitivanje centra za ravnotežu savremenim, zračnim kalorimetrom uz eVNG masku (video nistagmografija), kod pacijenata sa radom na visini i u dubini.
- Ispitivanje centra za ravnotežu prema protokolu uz pomoć rotacione stolice, sa davanjem mišljenja o stanju centra za ravnotežu.
- Pregled i obrada pojedinačnih pacijenata (uputnice) sa vrtoglavicom i poremećaja centra za ravnotežu.

JU Zavod za medicinu rada KS, kao jedina zdravstvena ustanova na području Federacije Bosne i Hercegovine, posjeduje stolicu koja služi za ispitivanje centra za ravnotežu i otkrivanju uzroka nastanka vrtoglavica.

Polisomnografija-uređaji Sonata i Samoa za utvrđivanje i dijagnostiku poremećaja spavanja. JU Zavod za medicinu rada KS jedini u Kantonu Sarajevo ima ovaj uređaj.

12. KABINET ZA OFTALMOLOGIJU

Pregledi i usluge koje se obavljaju:

- ✓ Ispitivanje vidne oštine i propisivanje korekcije za daljinu i za blizinu.
- ✓ Ispitivanje kolornog vida-Ishihara tablica.
- ✓ Ispitivanje stereo vida.
- ✓ Ispitivanje molititeta bulbusa.
- ✓ Pregled prednjeg očnog segmenta na špalt lampi.
- ✓ Fluoresceinski test-pregled površine oka.
- ✓ Vađenje stranih tijela spojnice.
- ✓ Vađenje stranih tijela rožnice.
- ✓ Mjerenje očnog pritiska (nou-touch i aplanaciona tonometrija).
- ✓ Pregled očnog dna-direktna oftalmoskopija na špalt lampi.
- ✓ Automatska perimetrija-ispitivanje vidnog polja.
- ✓ Ambulantni konzervativni tretman oftalmološkog oboljenja.
- ✓ Određivanje jačine leća u naočalama-fokometrija.

13. KABINET NEUROLOGIJE

Specijalista neurolog bavi se ispitivanjem i liječenjem bolesti nervnog sistema- mozga, kičmene moždine, perifernih nerava.

Neurološki pregled podrazumijeva anamnezu /razgovor sa pacijentom o njegovim tegobama/, uvid u prethodnu medicinsku dokumentaciju (ako postoji), neurološki pregled (fizički pregled koji obuhvata pregled kranijalnih nerava, procjenu funkcije, tonusa i snage mišića, ispitivanje mišićnih refleksa, ispitivanje hoda i koordinacije pokreta, senzibiliteta i kontrole sfinktera), savjet i preporuku za dalje liječenje te prijedlog o eventualnoj dodatnoj dijagnostici (ultrazvučno snimanje, magnetna rezonanca (MRI), EEG, EMNG...).

Uloga neurologa u Zavodu za medicinu rada obuhvata:

- procjenu neurološkog zdravlja radnika s ciljem utvrđivanja njihove sposobnosti za obavljanje poslova koji mogu imati posebne zahtjeve ili rizike (npr. rad na visini, upravljanje mašinama, noćni rad, izloženost toksinima, stresu itd.),
- savjetovanje o prevenciji i ranom otkrivanju neuroloških bolesti izazvanih radnim uslovima
- saradnja sa oftalmolozima, psihijatrom, specijalistima ORL i medicine rada kao i drugim članovima stručnog tima

U okviru kabineta neurologije obavljaju se EEG /elektroencefalografija/ i TCD /transkranijalni color dopler/.

EEG (elektroencefalografija) je dijagnostička metoda kojom se bilježi električna aktivnost mozga putem elektroda postavljenih na skalpu (koži glave).

Indikacije za snimanje EEG-a su brojne, a najčešće su: epilepsije /otkrivanje ali i praćenje efekta AET/, poremećaji svijesti, glavobolje, tumori, poremećaji spavanja, traume glave, metabolički poremećaji itd.

TCD (Transkranijalni color Doppler) je neinvazivna dijagnostička pretraga kojom se mjeri frekvencija protoka krvi kroz krvne žile mozga. Pretraga obuhvata ultrazvučni pregled krvnih žila vrata i glave te je neškodljiva i bezbolna za pacijente, bez rizika od zračenja i po potrebi se može ponavljati bez ikakvih zdravstvenih rizika.

Indikacije za TCD: vrtoglavice, glavobolje, bolesnici sa visokim rizikom za cerebrovaskularne bolesti, stanja nakon tranzitorne ishemične atake, stanja nakon moždanog udara, degenerativne bolesti vratne kičme praćene vrtoglavicom

14. KABINET PSIHIJATRIJE

Kabinet psihijatrije JU Zavoda za medicinu rada Kantona Sarajevo pruža usluge specijalističkog pregleda, dijagnostike i liječenja osoba sa širokim spektrom psihičkih tegoba, uz poseban akcenat na očuvanje mentalnog zdravlja radno aktivne populacije.

Psihijatrijski pregled podrazumijeva sveobuhvatnu procjenu mentalnog stanja, uključujući analizu aktuelnih simptoma, socijalnog i radnog konteksta, te funkcionalne sposobnosti pacijenta. Na osnovu kliničke procjene eventualno se postavlja dijagnoza i individualni terapijski plan koji može uključivati psihofarmakoterapiju, psihoedukaciju, savjetovanje i multidisciplinarnu saradnju. Prvi psihijatrijski pregled traje u prosjeku oko 60 minuta, dok su kontrolni pregledi kraći i traju do 30 minuta.

U okviru Kabineta se vrši:

- dijagnostika i liječenje svih vrsta psihičkih tegoba, bez obzira na uzrok i težinu,
- kontinuirano praćenje psihičkog stanja i procjena potrebe za terapijskim mjerama,
- procjena mentalne sposobnosti za rad,
- psihoedukacija i savjetovanje pacijenata kao i njihovih porodica,

- saradnja sa psihologom, neurologom, specijalistom medicine rada i drugim članovima stručnog tima.

Kabinet psihijatrije otvoren je za sve radno aktivne osobe koje osjećaju psihološke poteškoće, bez obzira na njihovu izraženost. Osim u stanjima ozbiljnijih poremećaja, psihijatrijska pomoć može biti korisna i u trenucima emocionalne iscrpljenosti, smetnji spavanja, narušene koncentracije ili osjećaja psihičkog pritiska na poslu i u privatnom životu.

U radu s pacijentima negujemo atmosferu povjerenja, bez osude i stigme, jer briga o mentalnom zdravlju nije znak slabosti, već snage i odgovornosti prema sebi i drugima. Psihičko zdravlje se tretira ravnopravno sa fizičkim zdravljem u kontekstu očuvanja radne sposobnosti i opće dobrobiti zaposlenih.

15. PSIHOLOG

Psiholog u medicini rada obavlja dijagnostičku procjenu sposobnosti osobina ličnosti kandidata kao neophodnih uslova za rad ili aktivnosti (indikacija) ili zabrana, ograničenja, prepreka za obavljanje konkretnih poslova i aktivnosti prema konkretnom radnom riziku (kontraindikacija). U sklopu periodičnih pregleda prati eventualne promjene u psihičkom stanju radnika, a sve je veća intencija i preventivnog djelovanja. Psiholog provodi posao sukladno odredbama pravilnika koji regulišu sadržaj tih pregleda, i kriterije pregleda za pojedine ocjene sposobnosti. Također, psiholog u medicini rada obavlja individualne procjene psihološkog stanja radnika upućenih od strane doktora medicine, specijalista medicine rada, ljekarske komisije i specijaliste neuropsihijatra.

Psihologijski postupak u medicini rada sastoji se od :

- Ispitivanja osobina ličnosti (anksioznost, agresivnost, emocionalna stabilnost)
- Ispitivanja kognitivnih sposobnosti (inteligencija)
- Ispitivanje psihomotornih i senzomotornih sposobnosti
- Intervjua (specifičan razgovor i neverbalna komunikacija).

Kognitivne sposobnosti i osobine ličnosti ispituju se primjenom psihologijskih testova i upitnika. Psihodijagnostika obuhvaća mjerenje i procjenjivanje psihičkih karakteristika neke osobe primjenom psihologijskih metoda, tehnika mjernih instrumenata. Psiholog ispituje i daje procjenu ima li kandidat opće ili specifične sposobnosti i osobine ličnosti potrebne za sigurno obavljanje posla. Taj postupak donošenja ocjene ide kroz integraciju podataka dobivenih intervjuom i primjenom testova. Psiholog piše nalaz i mišljenje, odnosno donosi ocjenu radne sposobnosti vezane za psihičko stanje u skladu sa propisanim pravilnicima i zakonima u medicini rada. Dalje ide upoznavanje doktora medicine rada sa rezultatima procjene te po potrebi timsko zaključivanje. Također, psiholog obavlja grupna psihološka testiranja poput testiranja uposlenika Ministarstva odbrane, Ministarstva sigurnosti i slično.

Posao psihologa se ponavlja na sistematskim i periodičnim pregledima naročito za mjesta sa posebnim uslovima rada kao npr.: vozači profesionalci, vatrogasci, osobe koje trebaju produženje dozvole za nošenje i držanje oružja i kod visokozahtjevnih poslova koji traže specifične sposobnosti za usvajanje posebnih znanja i vještina.

Psihološki testovi su od velike, često i presudne važnosti (ne i obavezujuće) za doktora specijalistu medicine rada u donošenju zaključne ocjene o radnoj sposobnosti.

16. POSLOVNI PSIHOLOG

Poslovni psiholog-konsultant bavi se odnosom čovjeka prema radu i pokušava pronaći način što boljeg prilagođavanja radnika istome, unapređenjem metode odabira i osposobljavanja radnika za razne poslove.

Razvija metode radne uspješnosti, istražuje uzroke umora, kao i nesreća na radu i sprječavanje istih koristeći bateriju testova. Analizira radna mjesta adekvatnom analizom, kriterijumima i pokazateljima za procjenu profesionalnog rizika.

17. ORDINACIJE MEDICINE RADA

Služba medicine rada primarnog nivoa vrši preglede i liječenje bolesnih i povrijeđenih radnika.

- Vršiti ocjenu radne sposobnosti, odnosno privremene nesposobnosti za rad.
- Daje mišljenje kod promjene radnog mjesta.
- Upućuje na ocjenu radne sposobnosti, uz odgovarajuću medicinsku obradu pacijenta.
- Obilazi radna mjesta, radi upoznavanja uslova radne sredine.
- Vršiti zdravstveno prosvjeđivanje radnika.
- Sastavlja izvještaje i analize za potrebe Zavoda i menadžmenta kompanija koje koriste naše usluge.

Naše ordinacije medicine rada su:

- Ambulanta Rad
- Ambulanta Elektroprivreda
- Ambulanta Vrazova
- Ambulanta Centralna banka
- Ambulanta Bosnalijek
- Ambulanta Vogošća

Osnovna svrha ovih ordinacija je da se radno sposobnoj populaciji omogući brza i kvalitetna medicinska usluga, radi skraćivanja odsustva sa posla.

18. REVIZIJA

Revizija ove politike obavlja se svake tri godine, po potrebi i ranije.

Izradio/la	Saglasan	Odobrio	Datum	Revizija
Koordinator za kvalitet Amra Čatić, Mr.iur.	Koordinator Komisije za poboljšanje kvaliteta i sigurnosti zdravstvenih usluga JU ZZMR KS	Direktor	Jedinstveni broj politike: 01-1349/22 04.10.2022.god.	Jedinstveni broj 01-1553-1/25
	Amra Čatić, Mr.iur.	Prim.dr.Samir Čovrk spec.interne med.	Politika stavljena van snage	Datum 28.10.2025. godine.

